

Broj: 01-02-691/25
Sarajevo, 26.11.2025. godine

DOM NARODA PARLAMENTA FBiH
n/r gosp. Ivica Pavković, delegat

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO 27-11-2025

Primijeno:			
Org. jed.	Broj	Priloga	Vrijednost
05/2	-02-	559	/25

PREDMET: Odgovor na delegatsku inicijativu, dostavlja se

Poštovani,

U vezi sa Vašom delegatskom inicijativom kojom predlažete da premijer Federacije Bosne i Hercegovine, gospodin Nermin Nikšić, hitno organizira sastanak s visokim predstavnikom Bosne i Hercegovine, gospodinom Christianom Schmidtom, na temu raspolaganja državnom imovinom, posebno šumskim zemljištem i zemljištem potrebnim za realizaciju infrastrukturnih projekata od strateškog značaja, obavještavamo Vas da su već poduzete konkretne aktivnosti s ciljem rješavanja ove problematike.

Premijer Federacije Bosne i Hercegovine se, u skladu sa ranijim razgovorima i analizama stanja, obratio Visokom predstavniku posebnim dopisom, broj: 01-02-607/25 od 12.09 2025. godine, u kojem je istaknuto da Federacija Bosne i Hercegovine samostalno i u saradnji sa međunarodnim finansijskim institucijama (EBRD, EIB, OFID, WBIF i druge) gradi i održava autoceste, brze ceste i ostale ceste, kao i drugu ključnu infrastrukturu poput željeznica, gasovoda i elektroenergetskih objekata. Dodatno je istaknuto da izgradnja ovih objekata predstavlja neposredni javni interes Federacije BiH, Bosne i Hercegovine u cjelini i svih građana, te da se kroz ove projekte istovremeno ispunjavaju međunarodne obaveze i obaveze na putu prema Evropskoj uniji.

Također je ukazano na to da važeći Zakon o privremenoj zabrani raspolaganja državnom imovinom Bosne i Hercegovine, donesen 2005. godine i izmijenjen odlukom Visokog predstavnika od 12.04.2022. godine, nije propisao odgovarajuće izuzetke od zabrane raspolaganja koji su neophodni za realizaciju infrastrukturnih projekata od javnog interesa. Različita tumačenja sudskih i upravnih organa unijela su značajnu pravnu nesigurnost i otežala realizaciju projekata koji zahtijevaju korištenje zemljišta u državnom vlasništvu.

Premijer Federacije Bosne i Hercegovine je posebno istakao da na nivou Bosne i Hercegovine ne postoje institucije direktno nadležne za izgradnju infrastrukture, zbog čega institucije BiH često ne odgovaraju na zahtjeve i prijedloge iskazane od strane institucija Federacije BiH, što dodatno otežava provođenje strateških projekata.

U dopisu Visokom predstavniku naglašeno je da zemljište u državnom vlasništvu koje se koristi za realizaciju infrastrukturnih projekata ne gubi karakter općeg dobra, niti dolazi do prenosa vlasništva, već se unapređuje i mijenja oblik općeg dobra koje ostaje na raspolaganju

svim građanima Bosne i Hercegovine. Zbog toga je od Visokog predstavnika zatraženo donošenje izmjena i dopuna Zakona o privremenoj zabrani raspolaganja državnom imovinom kojim bi se propisali izuzeci za izgradnju ključne infrastrukture: autocesta, brzih cesta i ostalih cesta sa pratećim objektima, željeznica i željezničke infrastrukture, aerodroma sa pripadajućom infrastrukturom i objektima, gasovoda i naftovoda, telekomunikacione infrastrukture i elektroenergetskih objekata.

Premijer Federacije Bosne i Hercegovine odlučno nastavlja zalaganje za otklanjanje pravnih prepreka koje usporavaju ili onemogućavaju realizaciju infrastrukturnih projekata od javnog i strateškog značaja, te će dosljedno insistirati na pronalaženju rješenja, koristeći pritom sve institucionalne instrumente koji su mu na raspolaganju, s ciljem zaštite interesa građana i osiguravanja stabilnog i održivog razvoja Federacije Bosne i Hercegovine.

S poštovanjem,

**ZA URED PREMIJERA
FEDERACIJE BOSNE I
HERCEGOVINE**

Po ovlaštenju Edis Dervišagić

Dostaviti:

- Naslovu
- a/a